



卓氏忠烈遺事序

余聞明旌別嚴彰瘡樹之風聲報勸懲古三千石之職也維揚南北之衝五方雜居正俗維風實稱難焉

天子諄諄加意慎重其選余以台班膺

特簡來牧是邦竊慮耳目所及不能周知期得籍可為

範於千百世者表揚之以風勵一郡使知崇忠孝尚節

烈適余丙子北闈所取士張子賡先江子我一來謁持

一長卷乞序於余展而視之乃前明忠貞卓公之遺事

也余曩讀東莞陳氏通紀白門朱氏建文書法擬溫陵

李氏遜國名臣傳久心欽其人矣乃今而更得其詳也

人小燕王來朝而公請遷之南昌則知公謀國之臧覲

御極而公能堅志不屈則知公殉國之烈觀於

族誅之際中子理得以逸去及事發又得從寬議戍邊則又知天眷忠臣而不欲絕其後也觀於公之子孫或以軍功而受世職或以鄉舉而官鴻臚或以明經而官縣令或以廩監而官同知官教諭則又知明德之後必達而天欲昌其裔也觀於給諫李公請贈謚疏及宗伯顧公覆疏不又見褒卹之厚乎觀於入關路引十餘紙備詳其年貌歲月出入事由而官司印記炯然不又見法制之周乎至於揚之婦女以烈死於乙酉者甚夥如孫氏一門十節程氏一門六節曹氏妻女爲三縵次第自經宋氏二媳嗚咽抱姑同投於水郡志皆載之矣而卓氏一門死者八人良由忠貞公義烈所感故能就死如歸志未之載者何居蓋由卓氏於乙酉之後徙居武林修志後復歸江都故遺之也發潛顯幽守茲土者之事而余何辭焉若夫公十世孫爾堪字子任者於辛巳春遊金陵過螺髻庵知爲其家祔園十六區之一舊以祠忠貞公者力請於有司而復之則其孝思又可嘉焉嗟乎忠烈如卓公固可爲範於千百世者也雖不生於揚而子孫則家於斯矣從而表揚之豈不可風勵一郡哉余故不辭而爲之序左必蕃

卓氏忠烈遺事

序

卓忠貞公之抗節於靖難也其事既已照耀史冊徵信
千秋而是卷所述遺事云爾者則以藐孤延嗣編籍遼
左子孫相繼登科目歷任籍關門符檄故紙具存洎明
季支遷維揚遂有烈婦錢及其諸姑幼叔一門死節之
衆此固當世見聞未之稔悉也裔孫爾堪迺哀集成卷
於是忠貞公之風聲餘烈歷三四百年之久猶熾然於
耳目間日月爲發其光江河爲衍其派而莫之能遏抑
也嗚呼自古死節諸忠莫萃於建文遜國時被禍慘毒
易代革命所未曾有厥後思陵身死社稷而公卿大夫
捐軀殉國者指不多屈說者遂謂未造氣節凌夷實由

靖難摧殘之所致今觀於忠貞公之族系幾殲矣乃奕
禩以後雖巾幗之柔姿齟齬之弱質曾不肯隱忍偷生
則又豈運數所得而轉移之者耶竊惟致命遂志之臣
特爲天壤中留此浩然不屈之氣使三綱墜而復舉九
法晦而復明初不計其興衰理亂而彼此可以淆撼所
以武王應天順人夷齊且目之曰暴則知忠貞公之抗
於靖難也非抗靖難也抗其非吾君而更欲君吾者也
彼夫褚淵之轉徙兩家馮道之回翔五代子弟爲之含
羞婦孺爲之蒙恥而忠貞公偏於祚未改姓跡類讓王
之際慷慨激烈至此蓋所以樹萬世臣子之大防宜乎
其後之人有所感發而興起也爾堪之生也晚睠念前
烈刻意邁俗獨於表著幽潛孜孜弗釋其今日之廣陵
散也夫長洲彭定求題

卓氏忠烈遺事序

明文皇帝起藩邸喋血京師剝雨骨月一時士大夫甘以其身膏鐵鋌投水火者高項相望其後甲申之變國家電掃雖巾幗之中激於忠愛仁孝之思不肯苟且以乞餘生而慷慨赴義之死靡他者亦往往有之而廣陵巨室如卓姓者其盛事蓋兩見云卓公諱敬號惟恭者成洪武二十一年進士官戶部侍郎死遜國難後謚忠貞贈太子太保戶部尚書清風峻節與方黃景鐵諸先生齊名焉迄甲申金甌頓裂天地震動督輔史公可法守揚州誓不依違直以死殉其時人心洶洶莫知所措而忠貞公九世孫指揮卓公煥元配錢宜人挾其子并

適王氏之孀長姑未字之小姑從容死城社不以爲難
揚之人至今稱頌之嗚乎以有明二百八十年之忠厚
培養薰蒸漸漬可謂深矣而其間非無不肖之徒通聖
籍都巍科赫然負海內重望始亦未嘗不以名節相高
及一旦躬遭禍亂輒脅惑惶怖不能以自必甚至土崩
瓦裂解其心方以爲宗社可覆君父可亡而此生必不
可舍非惟生焉而已而營營苟苟迄不堪名狀彼儼然
鬚眉曾庸婦人之弗若者衆矣又幾見闔內有奇男子
乎如卓氏者終有明之世始以忠貞顯卒以節烈傳况
其間文德武功濟濟多人家聲誼奕奕矣桐城江爲龍
我一題

卓氏忠烈遺事

十世孫 爾堪 謹錄

忠貞公傳

卓敬字惟恭浙江瑞安人也性至孝穎悟過人讀書十
行俱下終身不怠七歲有術者相之曰是兒骨法非常
後必爲名公卿惜血不華色耳讀書寶香山驟風雨失
道遇黑虎騎之而歸洪武二十一年進士及第除戶科
給事中好直言無所避忌或謂大剛則折宜戒之謝曰
敬聞居其位者思直其道苟直雖死不回也吾知盡
諫職上不負天子下不負所學而已禍福寧所計哉是
時制度初立諸王服飾頗多踰制與太子無別敬乘間

爲太祖言京師天下視效禮法剛紀攸先今陛下於諸王不早辨等威而使服飾與太子埒嫡庶相亂尊卑無序何以令天下上笑曰卿言是朕慮不及此由是益器重之他日與同官魏敏見適八十一人命教官爲元士尋以六科爲政事本源又改曰士源已復稱給事中歷宗人府經歷陞戶部侍郎建文初燕王來朝敬密奏曰燕王智慮絕倫雄才大略酷類高帝顧其爲人必非久居人下者且北平天下都會地廣土厚士馬精強金元所由興也今宜乘其未備徙封南昌羽翼旣翦變無從生萬一有此亦易控制不然彼志得行則大舉而南建瓴東下勢如瓦解矣夫將萌而未動者幾也量時而可

爲者勢也勢非至剛莫能斷幾非至明莫能察惟上畱意焉疏入建文帝大驚袖之翼日語敬曰燕王骨肉至親卿何得爲此言敬叩首曰楊廣於隋文非父子邪上默然良久曰卿休矣事竟寢成祖卽位敬已被執首責以不逢迎之罪曰往者建議焚燕幾至搖朕非汝乎汝何敢離間骨肉乃爾敬厲聲曰先帝若用敬言殿下安得至此成祖怒祇憐其才且曰奸臣多謀害朕敬止欲遷朕內地假用其言則南北干戈息矣命繫獄中使人諷之曰今上叔也建文帝姪也事屬一家何爲徒自苦獨不見管仲魏徵事乎敬泣曰八臣委質有死無二先皇帝承高皇帝統曾無過舉一旦橫行篡奪吾恨不得

手刃弑君者死得見故君於地下乃更欲臣我哉成祖猶不忍殺之姚廣孝故與敬有隙至是進曰陛下日暮返燕都必殺敬乃可敬雖書生英雄才也若待復生移檄諸藩聲揚大義據東南之饒限長江之險陛下未可安枕臥也昔夫差不殺范蠡而蠡卒沼吳王衍不誅石勒而勒終死衍敬言誠見用上今日寧有尺寸土邪乃斬之誅其三族臨刑從容歎曰敬備員大臣變起宗親略無經畫罪浮於死矣第不獲佩兵符少行其志以此爲負國爾神色凜然經日尙如生當族誅時仲子理逃於海濱宣德二年爲人覺從寬議遣戍遼東廣寧衛敬立朝慷慨美丰姿善談論凡天官與地利律曆兵刑諸

家無不博通研究所著詩文峭拔磊落約五十卷尤精性理有遺書十卷發明周子通書邵子皇極經世之學成祖嘗歎曰國家養士三十年惟得一卓敬厥後門人黃朝光作年譜行狀編修劉球傳其事私謚忠貞萬曆初用御史屠叔方言詔建祠衣墓崇禎五年十月禮科都給事中張國維言頃有爲遜國諸臣請謚者純忠如卓敬尙不載於冊內豈非盛典有缺六年六月南京戶部侍郎呂維祺疏言卓敬故戶部左侍郎也在臣部則敬爲先達不忍泯其孤忠在國家則敬爲純臣儘可風其頑鈍伏乞補入謚冊以光大典時謚曰忠貞又太子太保吏部尙書張捷禮部右侍郎兼翰林院侍讀學士

管紹寧工科給事中李清合題文臣七十五人武臣十
七人仍謚忠貞贈太子太保戶部尙書曰忠貞又太子

卓氏忠烈遺事傳

乙酉四月圍揚州陷卓氏一門死烈者八人指揮卓煥
妻錢宜人倡之煥之長姑適王氏者少寡歸寧于家妹
大姑四姑年俱及笄三幼弟一幼子俱從死於宅後魚
池煥爲忠貞公敬九世孫當公死難時先繫獄成祖尙
欲臣之謂國家養士三十年惟得一卓敬惜其才不忍
卽誅公曰恨不能手刃試君之賊尙欲臣我哉遂誅之
夷三族其家遠居瑞安及下族誅詔而中子理已逸去
宣德朝爲人所覺從寬議戍遼東廣寧衛子孫以軍功
授世職亦有以名科官鴻臚官司馬官縣令教諭煥襲
祖職授指揮使以廣寧陷移家揚州煥從督輔史公可

法守城城破之前一日烈婦并七人死之噫人生不辰
當天崩地裂之際所謂玉石俱焚之時求其爲完人亦
無幾矣若苟爲自全之計其不喪名敗節者豈可得乎
求其臨大難於倉卒決一死於斯須從容就義處之裕
如若卓宜人者真爲之過量六矣蓋人臨危處變皆欲
苟全其生爰是委身降志偷一日之未死而貽百世之
羞雖鬚眉之所不無惟宜人知生之不可倖辱之不可
免則生之污不若死之榮毅然以不辱爲重而死之爲
輕也不亦爲巾幗之大丈夫者哉相從而死者則有七
人語云見義不爲無勇也若七人者亦可謂之勇也許
承家

卓氏忠烈遺事

傳

節婦廣陵儒生錢公穎女也及笄歸指揮卓煥煥字文
伯生而秀異有烈丈夫風公穎見而奇之遂以女妻焉
婦旣歸事姑嫜相夫子處姑叔婢僕間孝敬慈和無不
各盡其道廣陵城中皆知其爲才德婦也生一子甫三
歲乙酉四月兵圍揚州婦謂煥曰儻不幸城陷我矢以
死殉更指其兒曰惟此子當與我同死勿爲戎馬蹂踐
君丈夫無以妾爲念言已涕泗淋漓煥亦歎息泣數行
下良久曰事尙未可知汝徒死無益也婦慷慨語曰兵
勢甚張城中力且盡而四方救援不至不數日必陷婦
女將爲所辱我當全我身以見兩家祖宗於地下耳志

已決君勿復言未幾城將拔煥隨史督輔登城防陴婦竟抱其子赴水死時煥有寡姑在家見婦之死也曰侄婦已能潔身就義我敢惜死以貽亾夫羞亦赴水死煥二妹三弟見嫂與姑之死也亦赴水死之卓氏一門死節者凡四人童稚從死者又四人嗚呼節婦孝於親敬於夫子處姑叔婢僕間以和以慈及臨難而死且能以義及人豈非不辱其身可以風世者哉今夫衣青紫佩印綬風采赫奕平居言論莫不激烈悲憤以名節自任及臨利害有急難徘徊觀望蒙愧耻求活唯唯諾諾獻媚於人者其視節婦爲何如也節婦生於天啓壬戌死之時年二十四矣康熙丙午遇文伯弟文仲爲余言其事甚詳余壯其烈而悲其志故爲之傳論曰古來忠臣節婦竝稱蓋死生之際豪傑難之而况所云中帼者流哉司馬遷作史記遇節烈之事未嘗不載而於節婦獨無所表彰意其無人耶或有之而名不傳耶此劉向張華所以不能已於著書也今如卓氏婦者余雖不獲親見然聞其事抑何其能自決若此嗟夫當明氏之季一時士女豈無有慷慨赴死從容就義者而或無以聞可勝歎哉長水李爾鏞約山

而無以聞何如漢姑吳水一節餘山
當四尺之季一節士女豈無一節謝法
吾余雖不勝感良然聞其事心向其節自
與甲也膠向悲華初以不道也故善書
而而然會於非非其其其人明短亦之而
彼云中節香所遺事
節口古來忠烈
其甚奇余其其

卓氏忠烈遺事 傳

古今嚴氣正性惟節烈為最難蓋女子目不觀詩書足
不踰壺閫依栖婉戀膽怯情柔即或志貞行潔出於天
性要所為先幾之智激壯之謀如烈丈夫之所為寧易
多邁所以戎馬紛紜之日士女流離至有不幸而為俘
且漸溺於不可言之辱者其初豈意其至於此乎祇為
眷言骨肉婉結纏綿冀倖免耳迨事勢窮迫始求生不
能求死不得有不克自主者矣嗚呼既失身而辱矣誰
復有諒其不得已者哉若夫有先幾盡節而珠圓璧全
者誠天地之正氣其事可傳而其人足不朽也如吾家
指揮煥元配錢宜人者本儒家女忠孝節義之理嫻於

壺訓者有素歲乙酉當鼎革維揚未遽迎款以致大軍
臨境時煥父子兄弟匿婦女於複壁中登城守護宜人
慮其辱之將及以爲與其玷於臨時孰若籌於未事遂
一往幽貞辭其垂老之姑拋其孩提之子俱有所不暇
顧率先而授於淵抑何其慷慨激壯如此若尊若幼踵
而投之者數輩是宜人得自全其節而更有以全人之
節猗歟休哉使夫不死或未必終及於難然而不可倖
也卽當時揚之婦女亦未必不有所見同所行亦合者
允若茲其人亦足傳矣今宜人誠天地之正氣在天爲
日星在地爲河嶽者也嗟乎吾家自忠貞公盡難後南
北兩支代以烈傳是吾門多以不幸而幸也余備員史
館不克以節烈上達宜人於余何賴焉聊以紀其略以
侍後之采風者西水 彝朗彝

心齋公傳

心齋公諱汝立謙抑自持重然諾退然若不勝衣其徑率可能而原慤不可能以此里中後輩授經其門萬曆中以拔選仕陝西藍田縣令與仁讓施茲誦邑大饑公詳請開賑遠近當暑曠絕饋食皆依藍田以濟天啓初事變沓來不急進取且逆知中土糜爛莫可響測攜家屬入關居江南徐沛間勝國已事瞭然人耳目公見名位爵祿之滯遲四民顛連無告又不能徒役已以爲天下而號稱六藝顛末首尾變詐蠹出不知何等則惟恣然去之此非迂闊無用得于治亂之故而不輕試如決兆發策則繼武公之庭訓有不可及歟抑醫閭之童蒙

果育別有不祧之祖歟第仁菴公汝德襲蔭之嗣殆其
後起之難凜凜焉惟薪盡是懼于是益歎公逃名播遷
傳述之不可幾也生三子天奇天意天章
公諱天奇國學少負骭髀氣明末從命使冊封高麗鼎
革聞仰藥死嗟乎海內釜沸赤羽白旗不能振武安之
瓦弩矢雖長無所用聊城遺書不得已走屬國滄波隔
天卽無班傅功或以不律抗其君長而鬱鬱望洋以死
范蔚宗云箕子施八條之法于朝鮮回頑薄而就寬略
此吾家奇士知子者父名之所由命也後起者倘過異
國而憑弔之問其葬處反顧茫茫同趨一壑賦大招者
其毋曰魂兮歸來東方不可以止些西水 天寅撰

請謚疏稿

八保吏部尚書臣張捷等謹題爲臣疏久
上敕下禮部速賜題覆以信先皇前旨以昭皇
事驗封清吏司案呈奉本部送吏科抄出禮部右

即兼翰林院侍讀學士管紹寧題前事內開祠祭清
司案呈奉本部送准禮科抄出工科都給事中李清
越前事經本部題覆內稱方孝孺等敕吏部贈官等因
於本年九月十六日奉聖旨這所議俱依議行還共建
一廟歲時地方官祭享該部知道又該禮科左給事中
署科事張希夏題爲謚典已奉明綸兩議未蒙欽定恭
請聖裁以便遵行等因於九月二十四日奉聖旨靖難



諸臣俱依正擬又該禮部右侍郎兼翰林院侍讀學士
管紹寧題同前事等因於十一月初九日奉聖旨這本
說謚法以善惡併行一遵古制說約是吏部分別議贈
務永遵守欽此欽遵抄出到部送司該臣等看得壬午
兩難諸臣皆高皇帝之作人當文皇帝之靖難雖代藩
漢與異姓不侔而苟息殉君於送往無愧忠貞九死
烈千年所以文皇帝聖諭諸臣盡忠太祖故盡忠建
諭練子寧在朕固當用之仁宗聖諭方孝孺輩皆
品從寬典固知祖宗仁至義盡之謨皆後世繼志
典茲遇皇上大渙恩綸列名建祠復敕臣部贈
原可作罔忝乃生則五等攸加聿章厥事庶諸

臣獲伸幽壤天下共明大倫謹遵旨將科臣原疏併禮
部請謚疏詳酌開具題

計開

科臣疏請禮部已題謚正祀今議贈殉難文臣七十
一人續謚四人

方孝孺浙江海寧人今謚文正建文時原文學博士
考官制卽侍讀侍講學士按孝孺三族慘死殉及
友生且祀主當列諸臣首贈官似難拘例擬贈太
師禮部尙書若部疏所舉王稔浙江義烏人係孝
孺女夫廖鏞廖銘南直巢縣人劉政南直長洲人
係舉人俱孝孺門生其廖鏞與弟銘因收葬孝

一死一戍宜子贈按鏞係德慶侯廖永忠嫡孫原
官都督擬贈德慶侯銘係德慶侯庶孫擬贈錦衣
衛都指揮鄭居貞係叅政南直徽州人劉端係大
理寺寺丞王高係刑部郎中俱江西南昌人鄭公
智係御史浙江寧海人皆坐孝孺黨死又部科疏
未及如方孝友係孝孺季弟當孝孺死時口吟一
詩最烈原未官擬贈翰林院待詔魏澤南直溧水
人保孝孺遺孤原以刑部尙書謫寧海典史今擬
復刑部尙書林彥清係孝孺母族鄭原吉係孝孺
妻族俱寧海人鄭珣孝孺表姪不審里居謀墓孝
孺遺骸皆當附祀

王叔英浙江黃巖人今謚文忠原翰林修撰擬贈禮
部右侍郎妻金氏二女部疏未舉宜附祀

王良江西吉水人今謚文節原翰林修撰擬贈禮部
右侍郎

黃子澄江西分宜人今謚節愍原太常寺卿兼翰林
學士擬贈禮部尙書從子文福富遠部疏未及應

附祀

林右浙江寧海人今謚貞穆原左春坊大學士擬贈
禮部尙書

連楹山西襄垣人今謚剛烈原左春坊太子贊善擬
贈詹事府正詹

陳忠浙江鄞縣人今謚文愍原翰林編修擬贈禮部
侍郎

周是修江西太和人今謚貞毅原翰林纂修衡府紀
善擬贈詹事府正詹

陳廸南直宣城人今謚忠烈原禮部尙書擬贈太保
禮部尙書子丹山六人部疏未及宜附祀

鐵鉉河南鄧州人今謚忠襄原兵部尙書擬贈太保
兵部尙書子福安慶安部疏未及宜附祀

齊泰南直溧水人今謚節愍原兵部尙書擬贈太保
兵部尙書

暴昭山西潞州人今謚剛烈原刑部尙書擬贈太保

刑部尙書

侯泰北直南和人今謚勤貞原刑部尙書擬贈太保
刑部尙書弟敬祖子玘部疏未及宜附祀

張昺山西澤州人今謚節愍原刑部侍郎擬贈太保
刑部尙書部疏未舉之近戚程亨被焚死應附祀

黃觀南直貴池人今謚文貞原禮部侍郎擬贈太子
太保禮部尙書

卓敬浙江瑞安人今謚忠貞原戶部侍郎擬贈太子
太保戶部尙書

郭任南直丹徒人今謚清毅原戶部侍郎擬贈太子
太保戶部尙書子經部疏未及宜附祀

盧迥浙江仙居人今謚貞達原戶部侍郎擬贈太子太保戶部尙書

邊昇河南滎澤人今謚果愍原兵部侍郎擬贈太子

卓太保兵部尙書

胡子昭四川大足人今謚介愍原刑部侍郎擬贈太

黃子太保刑部尙書部疏所舉山東僉事胡子義係

子昭弟宜附祀

金有聲河南人今謚翼愍原刑部侍郎擬贈太子太

保刑部尙書

茅大芳南直泰興人今謚忠愍原都御史擬贈太保

都御史子順童道壽文生孫添孫歸生部疏未及

應附祀

陳性善浙江山陰人今謚忠節原都御史擬贈太子

太保都御史

練子寧江西新淦人今謚忠貞原御史大夫擬贈太

保都御史部疏未舉楊六壽張烏仔俱坐練黨死

應附祀

景清陝西真寧人今謚忠烈原御史大夫擬贈太保

都御史部疏所舉青州教諭劉固子劉超並弟劉

國皆同里人因清死宜附祀

周璿山東諸城人今謚肅愍原僉都御史擬贈都御

史

胡閏江西鄱陽人今謚忠烈原大理寺少卿擬贈刑部尚書子傳道傳慶弟壻祝靜安友忠州知州張仲禮部疏未及應附祀

鄒瑾江西吉安永豐人今謚貞愍原大理寺丞擬贈大理寺卿部疏所舉秦府長史鄒樸同里人聞瑾死憤激不食卒應附祀

盧原質浙江寧海人今謚節愍原太常寺少卿擬贈禮部尚書

廖昇湖廣襄陽人今謚文節原太常寺少卿擬贈禮部尚書

龔泰浙江義烏人今謚端果原戶科都給事中擬贈太常寺卿妻傅氏宜附祀

陳繼之福建莆田人今謚莊景原戶科給事中擬贈太常寺卿

韓永陝西西安人今謚莊介原戶科給事中擬贈太常寺卿

葉福福建侯官人今謚節愍原刑科給事中擬贈太常寺卿

黃鉞南直常熟人今謚忠獻原刑科給事中擬贈太常寺卿部疏所舉楊福同里人爲義友應附祀

戴德彝浙江奉化人今謚毅直原右拾遺擬贈太常寺卿

曾鳳紹江西廬陵人今謚忠毅原御史擬贈太僕寺

卿

魏冕江西吉安永豐人今謚毅直原御史擬贈太僕

寺卿

甘霖南直懷寧人今謚貞定原御史擬贈太僕寺卿

王彬山東東平人今謚忠壯原御史擬贈太僕寺卿

王度廣東歸善人今謚襄愍原御史擬贈太僕寺卿

謝昇南直沛縣人今謚貞勤原御史擬贈太僕寺卿

丁志方山東聊城人今謚貞定原御史擬贈太僕寺

卿

林英福建古田人今謚毅節原御史擬贈太僕寺卿

妻宋氏應附祀

巨敬陝西平涼人今謚毅直原戶部主事擬贈光祿

寺卿

譚翼江西大庾人今謚貞愍原兵部郎中擬贈光祿

寺卿妻鄒氏子仕謹應附祀

樊士信湖廣應城人今謚莊愍原兵部主事擬贈光

祿寺卿

徐子權江西新淦人今謚貞確原刑部主事擬贈光

祿寺卿

宋徵不審里居今謚直愍原宗人府經歷擬贈光祿

寺少卿

王良河南祥符人今謚貞毅原浙江按察使擬贈副都御史

程本立浙江崇德人今謚忠介原江西副使擬贈太常寺卿

林嘉猷浙江寧海人今謚穆愍原陝西僉事擬贈太僕寺卿按實錄嘉猷使錦衣衛千戶張安持書招世子彼執死之部疏未及宜附祀

姚善湖廣安陸人今謚忠志原蘇州知府擬贈太僕寺卿部疏所舉行軍斷事錢芹布衣俞貞木俱吳縣人以善死芹擬贈光祿寺少卿貞木擬贈翰林院待詔布衣袁杞山浙江嘉興人以善錮並應附

祀

陳彥回福建莆田人今謚惠節原徽州府知府擬贈太僕寺卿

周繼瑜江西撫州人今謚莊節原松江府同知擬贈太僕寺少卿

顏伯瑋江西廬陵人今謚忠惠原沛縣知縣擬贈太僕寺少卿子有爲今謚孝節原未官擬贈翰林院

獲待詔宜附祀

鄭恕浙江仙居人今謚惠節原蕭縣知縣擬贈太僕寺少卿

張彥方江西龍泉人今謚莊愍原樂平知縣擬贈太

僕寺少卿

向朴浙江慈谿人今謚惠莊原獻縣知縣擬贈太僕

寺少卿

鄭華浙江臨海人今謚貞莊原東平州吏目前任行

人擬贈太僕寺少卿

唐子清不審里居今謚節義原沛縣主簿擬贈工部

員外

黃謙不審里居今謚果義原沛縣典史擬贈工部員

外

陳思賢廣東茂名人今謚貞愍原漳州府教授擬贈

禮部郎中部疏所舉伍性原陳應宗林珏鄒君默

呂賢會廷瑞俱漳州府生員從思賢為惠宗哭臨

送京道死應附祀

王省江西吉水人今謚貞烈原濟陽縣教諭擬贈禮

部員外子王禎今謚孝節原夔州府通判按禎死

於城化時石和尚之亂和去六十有五年四川通

命志可考即吾學編建文書法擬皆言死於寇死於

賊並不與父省同死靖難未敢議贈合罷祀止存

謚

劉璟浙江青田人今謚剛節原谷府長史擬贈大理

寺少卿

葛誠不審里居今謚果愍原燕府長史擬贈大理寺

葛少卿

石揆山西平定州人今謚貞愍原寧府長史擬贈苑

馬寺少卿

程通南直績溪人今謚端直原遼府長史擬贈苑馬

寺少卿

俞逢辰南直宜城人今謚忠愍原燕府伴讀擬贈苑

馬寺少卿

高巍山西遼州人今謚忠毅原叅軍斷事擬贈太常

王寺少卿

杜奇北平人今謚貞直原不知官職按奇曾舉賢良

方正擬贈翰林院檢討

龍鐔江西萬載人今謚忠愍原晉府長史按遜國忠

紀及建文書法擬皆載鐔不屈死題詩甚烈但實

錄永樂元年十月以晉王與西番人往來以車遞

送降敕切責遂抵鐔死踰年以刑部郎艾少岳禮

未科給事何仕讓為左右長史復降諭以鐔為戒因

晉府蒙譴未敢擬贈姑附祀

科臣疏請禮部已題謚正祀今議贈殉節武臣十七

撫人

徐輝祖南直鳳陽人今謚忠貞原魏國公擬贈太師

議者念其元勲首忠應加王號此非臣部所敢擅

擬合無請乞聖明特垂晉錫以寵殊忠

俞通淵南直巢縣人今謚襄烈原越篤侯擬贈篤國

公

楊嵩不審何衛今謚莊愍原都指揮擬贈霍丘伯

謝貴北平人今謚勇愍原都指揮擬贈英山伯

彭三北平衛今謚武壯原都指揮擬贈舒城伯

馬宣薊州衛今謚貞壯原都指揮擬贈全椒伯

朱鑑大寧衛今謚壯烈原都指揮擬贈含山伯

瞿能四川衛今謚襄烈原都指揮父子血戰死擬贈

平陽伯子通疏未及宜附祀擬贈都指揮

宋忠錦衣衛今謚壯愍原都指揮擬贈壽昌伯子謙

部疏未及宜附祀

孫泰涼州衛南直武進人今謚勇愍原都指揮擬贈

象山伯

卓氏忠烈遺事

書事

忠貞公卓敬字惟恭浙江瑞安人生質秀敏孝弟七歲嬉戲相者曰此兒骨髮殊異必爲名卿惜血不華色爾年十五讀書寶香山風雨夜歸迷失道得一兕牛馮之歸北入門乃黑虎也中洪武二十一年戊辰科進士除戶科給事中改元士尋又改爲士源又復爲給事中敬性剛直論事無所顧避上器重之時諸王在宮中服飾有擬太子者敬乘間白於上曰宮中朝廷視效紀綱攸先今陛下於諸王不早辨等威而使在宮中服飾有與太子埒者適庶相亂尊卑無序然則何以令天下邪上笑曰卿言是吾慮未及此爾因墜宗人府經歷進戶部

侍郎建文初燕王來朝行皇道入登陛不拜御史曾鳳韶劾王不敬帝曰至親勿問敬密奏曰燕王智慮絕人酷類先帝夫北平者疆幹之地金元所由興也宜徙封南昌以絕禍本夫萌而未動者幾也量時而爲者勢也勢非至勁莫能斷幾非至明莫能察帝覽奏大驚袖之翼日語敬曰燕王骨月至親卿何得及此對曰楊廣隋文非父子邪帝默然良久曰卿休矣事竟寢北平兵起名靖難建文四年六月乙丑至金川門京師失守大內火帝以崩聞不知所終文皇卽位榜敍奸臣五十餘人敬名在中遂被執責敬不奉迎乘輿敬厲聲曰先帝若用敬言殿下安得及此文皇怒欲殺之而憐其才謂僧


道衍曰向者奸臣各欲首先害朕惟敬欲徙封內地若聽其言干戈息矣命繫獄中使人諷之曰今上叔父也建文帝姪也事屬一家何爲徒自苦獨不見管仲魏徵事乎敬泣曰人臣委質有死無二先帝承高皇帝統曾無過舉一旦橫行篡奪吾恨不得手刃弑君者死得見故君於地下乃更欲臣我哉文皇猶不殺之道衍惡敬必欲殺敬曰敬雖書生英雄才也若待復生移檄諸藩聲揚大義據東南之饒阻長江之險陛下未可安枕臥也昔夫差不殺范蠡而蠡卒沼吳王衍不誅石勒而勒終死衍南昌地居上流金陵加兵特探囊取物爾使敬言誠用陛下今日寧有尺寸土邪敬遂就戮臨刑從容

歎曰變起宗親略無經畫敬死有餘罪旣死神色凜然
經日猶如生夷三族文皇嘗曰國家養士三十年惟得
一卓敬服其識也不獨以節云公立朝慷慨英偉美丰
姿善談論凡天文地理律曆兵刑皆能究察詩文峭拔
磊落所著有詩文五十卷後四十年廬陵劉球得其畫
像及遺文於公門人黃朝光之子養正爲之立傳私謚
曰忠貞萬曆初用御史屠叔方言詔建祠表墓崇禎五
年十月禮科都給事中張國維言曰頃有爲遜國諸臣
請謚者純忠如卓敬尚不載於冊內豈非盛典有缺六
年六月南京戶部侍郎呂維祺疏言卓敬故戶部侍郎
也在臣部則敬爲先達不忍泯其孤忠在國家則敬爲

純臣儘可風其頑鈍伏乞補入謚冊以光大典至工科
給事中李清疏請方孝孺等文臣七十五人得賜謚贈
官卓敬贈太子太保戶部尚書謚忠貞如劉忠愍之私
謚焉先是忠貞公臨難時有從弟敦及中子理在瑞安
故居聞難皆先亡於海濱理於宣德二年被獲事聞尋
從寬議戍遼東廣寧衛理生二子述祖繼祖俱立軍功
塞上受世職述祖世襲廣寧衛指揮繼祖世襲千戶述
祖子衍衍之子何繼祖子恒恒之子傳皆襲職何子文
通中舉人歷仕鴻臚寺少卿文通子汝立貢生仕爲藍
田縣知縣汝立子天奇同命使冊封高麗聞京師陷死
焉次天意天章當在熹宗壬戌之歲汝立罷官而廣寧

已失家無所歸乃令次子天意開中鹽引於邊巡撫某
爲請移食祿揚州衛遂家焉天章爲無極令亦罷歸居
揚州生三子煥炳燦煥仍襲祖職爲指揮娶夫人錢氏
儒生公穎之女居揚州之徐寧門乙酉歲兵臨城時煥
有王母臧氏母陳氏及適知某州王氏長姑早寡歸寧
於家與未嫁二妹偕錢氏匿於複壁煥父子登陴防禦
後以督師史公可法失守遂皆亡去錢氏時年二十有
四先一日從容告其長姑曰大軍臨城兵不血刃則市
肆安堵子女固可免矣今旣以櫻城之故必犯其怒而
俱屠屠則婦女必爲俘也俘則必不能免辱婦人之道
可殺不可辱姑髦年所奉太姑尤髦無害也但複壁必

破婦將柰何婦當辭長姑不可戀此矣乃抱三歲兒躍
於宅後之深池王氏長姑喟然歎曰未亡人敢辱命哉
亦躍入煥未嫁二妹亦同從長姑而躍也煥之幼弟三
大慟其嫂氏女兄俱躍而死沒於水者八人嗚呼烈哉
其忠貞之遺德也乎焦弱侯竝嘗論之曰斯時也以高
皇帝之子纘戎高皇帝之緒以高皇帝之略龕夷高皇
帝之人新命舊邦非逐鹿之可擬子燕孫貽豈瞻烏之
靡定公卽準管魏之擇主撫鐘簋而自怡其與更二姓
事百君者實異日談也顧刀環築口吠堯之語不輟戟
枝人頸送往之情彌厲臧洪同日誓不俱生卞壺一門
幾無噍類豈不痛哉昔伯夷之諫也太公扶而生之公

之死也少師與有力焉非古今之道殊忠佞之情異也
以公材智邁於夷等生死能爲有無也麗牲之辭曰粵
古忠臣動必以正圖國忘死見危授命砥柱不流疾風
斯勁峩峩卓公忠出其性有明開闢地正天刊龍戰甫
戢玄黃未乾九海波沸十嶽峰剌勇智不作華裔疇安
真人  興閏統斯削帝緒中廢壇社如昨簞食壺漿稽
首崩角命有廢興人無適莫公也矯矯力抗其衝賈策
定制晁疏徙封委心王室削欵侯宗水投石距心苦力
窮無波不隨有作莫遂大厦顛隤一木焉制勇嬰逆鱗
心安骨碎鼎鑊胡甘社稷是衛疇不自委曰國懿親公
志邁世矢死靡分心堅百鍊義不二君陵厲白日菴靄

高雲周氏則頑殷彝已厚養士卅年庶幾無負厥有褒
詞皇皇天口君義臣忠異途同紐我皇御宇丹書白麻
憫彼忠魂一灑垢瑕旌祠冷城錫亂厥家仁風扇動義
日光華海嶠甌鄉公之桑梓祠宇弗虔仰瞻曷以有美
衛侯鳩壖相址高靈雲構層櫺電起長江孤峙楚楚新
宮摹文像卓作配西東姦雄泚顙烈士動容刊碑撰德
千載英風忠貞公十世孫爾堪字子任炳之子也嘗訪
白門羸髻菴本卓氏祊園十六區之一舊祠忠貞者歲
旣久爲浮屠有力所據乃讀碑記從苔蘚剝落間辨其
顛末請於有司得復惟恨遺墓不知所在乃又葺其本
傳及請謚贈諸疏先代赴試入關路引裝潢成軸徧乞

名人題識於後使覽者得以有考徵云其繼祖子恒之子孫世襲千戶暨忠貞公從弟敦之世次皆別有記故不書江寧後學洪嘉植

卓氏忠烈遺事

碑

明戶部侍郎忠貞卓公以靖難死死二百九十九年其裔孫爾堪復奉其神主祀於虎踞關之螺髻庵宿松朱書偕朋侶往再拜已爾堪曰堪族曾祖蓮旬公及祖龍文公居舊京嘗規虎踞龍潭間闢祓園焉會祠部奉詔祀遜國殉節諸臣既合祀表忠祠又自謂忠貞公少與仙遊騎黑虎風雨夜歸也祠虎踞宜乃祠之螺髻菴中祓園凡十六區楊公文驄彷彿川爲圖董公其昌跋之螺髻十六區之一也於是積藏經若干函繡文佛一軀置菴中器用備具招高僧開講後兩宗子孫挈家散居浙江在北隸揚州在南隸湖杭而園遂廢吾族人不恒

至舊京卽至而螺髻僻遠多不暇過問久之不知何人
遽毀匿神主又輒妄稱菴及藏經皆別有所屬堪聞大
痛念前神主不可得特重新之仍祀於菴庶常見先公
騎虎之跡焉欲有以示後之人吾子不可以無記書嘗
讀史至革除之際謂士君子報國之忠自有天地以來
所未有也然齊黃方練諸公忠烈有餘而智謀不足公
獨請徙燕南昌此至計惜乎惠宗之不能用也豈天之
所興不可廢與國家非略存封建之意則內不可以制
草澤英雄外不可以遏強敵故高皇帝王二十四子而
遼寧燕谷代韓晉慶肅秦十王者皆被邊諸王虢武雄
勁北馬不敢近塞者垂四五十年及燕師南向七戰而

移國統說者遂謂高帝分封太盛卒釀尾大之釁而封
建決不可復嗚呼是亦不思之過也燕之舉兵也其勢
甚孤非若漢晉七國八王連衡迭出惠宗以天下之力
制一隅之命烏在其不敵哉蓋謀國者誤也以李景隆
代耿炳文誤一不急遣使親寧而急徵之使觀望反速
合誤二舉兵犯順顧曰毋殺叔父誤三有此三誤卽他
敵不支也况燕乎然則忠貞公徙燕南昌之策非與曰
高帝之封燕也建威也公之請徙南昌也銷萌也萌已
見矣何爲不徙鯨鱣江海中嘗吞舟出之平沙萑蒲之
渚則制於螻螳燕故成祖之江海也南昌則平沙萑蒲
之渚也成祖徙高煦樂安曰是怏怏者必爲變處之樂

安朝發夕擒之矣及宣宗初立高煦上慢書其兵未舉而宣宗已至城下展轉自縛是則惠宗紬公之計於前而燕以王成祖用公之計於後而漢以亡公固善治封建者也書故因爾堪新公之神主而申公之說以爲後之謀國者告焉使知封建不可以燕廢卽有變不可以早計如公而不之聽也爾堪乃記之石并屬系以詩其詩曰

憲憲卓公鞭虎如牛風雨騎歸月落星流早掇巍科殿廷震動有嚴高皇批鱗不悚始官戶垣歷於戶曹躋身卿貳逮事兩朝嗣君寬仁涵濡天下有梗羣藩燕最强武肇覲京闕輒行皇道登陞不拜肆爾藐藐公則心傷

拜疏劾之詔置勿問公密陳詞燕終不臣母子之燕邊騎勁卒早奪其權洪都近畿人弱地瘠朝發夕擒制控有術請速移藩母俾蟲拚天子曰嘻懿親匪姦亡何燕畔長駟渡江金川旣潰文武北降燕憐公才曰敬母死吾能庸女其虜吾事公卒不從僧衍曰嗟惟蠡與勒牆衍治差乃遂公志三族并夸臨刑而歎臣志未施惟燕亦云士不易養歷三十年惟敬不爽肆公旣逝燕用公謀卒剪漢逆宣廟以休迄於季年大獎群忠作祠舊京合祀是崇公之子孫潛匿免禍允文允武載德弗惰南北兩宗嘗居虎踞謂公騎虎虎踞是馭爰祀螺髻奉祠以僧彼昏者子慢公神靈竊祠毀主曰有所受孫堪聞

之疾如疾首告於舊邦咸曰復公乃奉新主居祠之東
惟忠能死惟孝能祀入虎踞關請視於此宿松朱書

卓氏忠烈遺事

記

嗚呼天心之仁愛於卓氏者何其至歟當遜國時方公
正學既不屈死而戶部侍郎忠貞卓公與陳廸暴昭練
子寧又同日被族史稱姚廣孝忌公必欲殺公而不知
公之志於金川失守之日而已定矣夫人臣事君至於
殺身沈族此志士仁人所以求其心之所安而天亦無
如之何也然宇宙間苟得一志士仁人至於殺身沈族
無噍類而天必爲之委曲以全其後所以正學之孤九
齡爲魏澤所匿授之余學夔甥於俞允而正學以祀而
忠貞公亦以中子理逸出得綿其祀以到於今嗚呼豈
非天哉中子既逸至宣廟而始出以馳禁故戍遼陽天

元汝立諸公出入關門艱難辛苦乃得仕於中土而家
維揚值乙酉之變又有錢宜人一門八節之事忠貞公
之遺教至三百年後能令其婦人女子守貞不辱趨死
如歸則卓氏之得於天者何其全而豈近世衣冠之族
所可同日語哉余與子任卓子有連每過其廬讀其詩
夷猶冲澹有靖節風又其所撫當代遺民詩數百十家
鳩工精鏤至於炊烟不起而清吟不輟余嘗怪其如此
及示余忠烈遺徽卷則不禁覽而起敬嗟乎不有子任
誰與禪其先世懿蹟章章如是而卓子之耿耿自抱者
非無故矣忠貞之祀以中子而衍忠貞之教以子任而
傳是皆天之所生不偶然者故余爲道其天心之仁愛

爲卓氏昌熾之券云高郵王心湛濟上

卓氏忠烈遺事

記

余友卓子鹿墟廼前明戶部侍郎卓公敬十世孫當公死難族誅中子理逃竄海濱宣德時爲人所訐幸從寬政戍遼東廣寧衛生二子長以軍功授指揮使次授本所千戶子孫食世祿凡二百餘年逮遼東失遂內徙隨督輔史公可法守揚州因食祿于揚州衛卓氏以金陵爲侍郎公盡難地又以兒時曾于寶香山騎黑虎乃于虎踞關之北構穢園十六區其中最稱名勝者螺髻菴奉其主螺髻菴者面鍾山與孝陵相望鍾山雙蠹如螺髻因以名焉楊公龍友曾繪爲圖董公思白系之以跋是時欲得一主菴之人公七世孫左車先生精內典以

彌陀三十六問詰難諸方蜀僧最六大師風行電急應
對如流延以主之其後學人輩據爲己私幾滅其跡鹿
墟偕其弟次厚姪敏宸從孫普請于有司復祠而還其
主侍郎公在前已邀卹典復以禮部尚書張公工科給
事李公請贈爲戶部尚書太子太保謚忠貞特與春秋
祀以菴爲祠菴固祠也余贈鹿墟詩有云初埋碧血疑
無地重拜青山尚有人蓋紀實也越明年鹿墟同居之
嫡伯母孀居在堂年八十餘出二敝簾授鹿墟曰此遼
東故物也兵火蕩然僅存此耳未亡人旦夕且歸泉壤
今以授子乃遼東輿誌一部鹿墟高祖鴻臚公手錄吳
興顧箬溪唐詩選一帙枷楠香帶一圍指揮公玉厭勝

盜頂一枚青綠帶鉤一事及侍郎公本傳二紙請謚疏
稿與高曾嫡從祖入關路引十一張引長三尺闊二尺
備載年貌籍貫並入關事蹟由巡撫下及指揮得官印
三十餘顆一出入皆填註詳明一爲鹿墟高祖由鄉舉
官鴻臚一爲曾祖由鄉貢官藍田縣令一爲嫡伯官遼
東世襲指揮使蓋遷食祿于揚者也曾伯祖皆以廩生
入太學一官教諭一官府同知而以太學官千戶者則
鹿墟之從伯也嗟乎凡此七八人者皆頻歷仕途著名
當世雖滄桑之後遺事不詳要皆豪傑人也迨乙酉揚
州郡城將破鹿墟伯父指揮公煥元配錢宜人暨祖姑
適王刺史者少寡歸寧于家及未字之姑二幼叔三皆

以城未陷先一日投水死後王夫人遺孤名應詔與先
大夫戊子同舉于鄉故余得其事益詳焉嗚呼莫爲之
先雖美弗彰莫爲之後雖盛弗傳侍郎公忠留天壤故
天善其後子履族之餘僅存一綫繁衍之下又得裔孫
如鹿墟者知名海內賢且才養母及伯母極孝撫弟與
從弟極友故其祖宗之靈默以復先祠表前烈之重任
遺之不然何先後之不謀而合也故爲之書其後後學
閔奕佑

卓氏忠烈遺事

跋

乙酉維揚城陷卓氏男婦死者八人女得免於汚男得
免於刃皆全尸於池水中吾獨善錢宜人建榮辱遲速
之語能致審於義理決機於俄頃彼鬚眉如戟而甘自
棄其生平者知新恩赤芾之榮而不知反顏屈節之爲
辱知半生溝壑之爲辱而不知千秋青史之爲榮也其
或曉名義而失於濡忍後遂潰裂而不可救錢氏之言
洵可爲爲人婦爲人臣者永矢之歟予聞城陷之日屠
者八十三萬有奇婦女死節者不少見諸志傳詩歌者
有幾兵戈之下淫掠之僭其烈烈不受辱搶攘中湮泯
不傳者可勝悼也哉宣城吳肅公街南

末云浙南宋六齋齋

之種忠貞表式余覽其世系因謂其世其家乘之

補負意歸又斷其指文蓋其世系自為一表言即河天

自公之賢祖十斜世不哀乎余感其世其裔爾其世

文千歲情自武吹發宜人之餘餘容其世其裔爾其世

其世其裔爾其世其裔爾其世其裔爾其世其裔爾其世

大藥其世其裔爾其世其裔爾其世其裔爾其世其裔爾其世

其世其裔爾其世其裔爾其世其裔爾其世其裔爾其世其裔爾其世

其世其裔爾其世其裔爾其世其裔爾其世其裔爾其世其裔爾其世

卓氏忠烈遺事

詩

南海梁佩蘭 藥亭

天地存混元陰陽運消息生人居其中綱常於此植君
臣與父子忠孝不可易巍巍忠貞公靖難死社稷精誠
白日貫正氣兩間塞平生堪經術丰采露鯁直當時論
徙燕一疏具深識主上徒空領釀禍成篡逆文皇愛其
才欲殺還護惜豈知公就刀凜烈著顏色雖然三族夷
史冊照赫奕後來子若孫遠託遼海籍禮樂致儒臣貂
璫表武職純孝繼忠蓋先後仰明德南歸住邗水於越
同咫尺乙酉國事變維揚塗鋒鏑公有九世婦錢氏藏
復壁出壁並諸姑赴池血流碧有明三百年仕宦千萬

億忠烈惟公家男女盡報國維公天薦生弱齡見奇跡
 讀書寶香山立義通辨晰每騎黑虎歸多值風雨夕祠
 廟在螺髻棟宇新翬翼裔孫日爾堪享祀歲無斃夜深
 覽公傳異代成親炙稽首再拜之祇肅立坐側恍惚神
 光來照我几與席收公錄入稟照著錄已推然二刻其
我燕一歲具彩編主上封空齋齋斷如慕並文皇受其
白日貫五原四間塞平主掛聯許平采翫雙面當初命
且與父平少孝不可見樂慶忠貞公掛鐵瓦垣毀前遊
天此并其子劉豐重消息主人司其中斷常公此節其
南新築廟蘭葉亭
卓氏忠烈遺事詩

卓氏忠烈遺事 詩

檣李朱彝尊 竹垞

忠貞公裔族蟬連一代遺民藉爾傳辛苦遼陽存過所
 篝燈重話革除年

卓氏忠烈遺事

詩

闕里孔尚任

東塘

秋爽宜冠裳晨起盥雙手開讀節義書卓母事罕有母
處圍城中鋒鏑相攻守人人籌偷全母也義不苟乳兒
尚在懷摩挲淚盈手舉家環之啼其意定已久白刃在
門前清泉在屋後刃下生可求池中死難走不願生可
求不慮死難走抱兒一躍沉甘泉漱芳口從容死何難
豁然悟去就老姑與小姑追之或恐後小叔兩嬌兒從
嫂如從母一水漬八屍湛湛潔無垢亂定紛來尋老鴉
守禿柳多少受祿人聞之搔白首但云生可憐不問誰
家婦

南都祀綿牲牢直至一馬龍再化吾家庭尉風義高
特請易名勵貞節巧合私謚羣含笑遺支僑寄廣陵住
鳳麟奇種饒俊髦回憶令威城頭吹簫策挈族久矣來
江臯我友爾堪字子任白首投分稱石徒文工賦詩武
橫槊乘跨驪懸寶刀曾從行陣破堅壘奮身冀展犬
豹韜倚閭老母難割棄壯懷未遂歸蓬茅侍郎羸髻菴
祠忽欲廢惡僧占奪聲咆哮扁舟走檣桃葉渡力爭辛
苦悲君蒿卒還故地豎碑碣犧尊薦酒俎薦肴汝門忠
孝兩擅據生男偉異榮禋祧昨者過訪城北宅方搜隱
逸勤贍鈔徐開篋笥展長卷新縑舊物珍琅璈十代藏
弄譜牒具春秋閱歲三百遙竚立蚪峯竝竦視低顏禿
袖垂飄蕭屬我作歌蚪峯跋倉卒意緒牽塵囂返榭滄
洲坐環堵青燈午夜揮霜毫餓鼠窺窗鴟嘯樹汪汪淚
點霑襟袍鼎遷社屋廟祐毀黍離宮闕隨烟颺焚燒瓜
蔓燄灰冷卓公正氣萬古凌蒼霄日月麗空久照不磨
滅俯哀中原反覆格鬪翻波濤

越翰京中風又野奔關

蔓類來今卓公五原萬古空蒼霽日八豎空人照不

撫雲將所狀數抹星風

附坐疑淋青獄子外

蘇垂懸橫風朱并相

卓氏忠烈遺事

益都趙執信

秋谷

周公杖鉞誅孺子靖難遺編堪髮指瓜蔓能令後代悲
忠臣知為誰家死當年峩峩卓先生抗節不數澄與寧
兒孫獨作遼陽戍暴主難將神鬼爭三百年來鄉國異
出入關門費文字可憐紙墨滿塵霜長向人間鬱生氣
青樓粉澤幾人湔紫塞春風隔世還若到昌平陵上望
葱葱佳氣散如烟

卓氏忠烈遺事
詩
益濟飲詩計林
公并知水燕千部
出八關四費文字
泉源歸中觀國如
惠日伏公新來天
照公并知水燕千
益濟飲詩計林
出八關四費文字
泉源歸中觀國如
惠日伏公新來天

卓氏忠烈遺事

詩

山陰黃

達

儀通

乙酉圍揚州城門一月閉丁壯死城頭老弱哭街市烈
婦語其夫請君從此逝不見高傑兵殺掠無巨細况兹
雄師來後先皆鐵騎憶昔結髮時雙雙坐羅綺池上兩
鴛鴦見之嬌不起如今張網羅反覆迷天地雄飛雌必
隨雌在雄反累所有週歲兒地下為君乳城角一聲裂
城內兵四至遣夫前出門驅家後園避白髮夫長姑黃
口夫諸弟小姑兩齊肩掌珠抱者是共妾為八人所去
唯夫婿妾身不可汚兵刃一何利長幼聚一堂緩急權
大義夫婿園中池夫婿池中水池中自有天藏我蛾眉

麗一躍婦與兒再躍長姑繼三躍雙小姑四躍靡遺類
生願相從生死願相從死清波激其上明月枕其底不
聞門外兵殺人如屠豕

卓氏忠烈遺事

詩

楚陽王熹儒 勿齋

殉節推前哲垂徽仰後人侍郎精耿耿靖難戮僦僦遺
子存天地全生仗鬼神醫問流慘戚吳越望酸辛賈勇
當狐塞銘功得虎臣力能殲獬豸勳可賜麒麟繼世文
章貴承先治行醇孝廉偕計吏子惠被溫綸印歷重關
路爰辭絕漠塵江東仍梓里山畔復明禋亂草瞻黃屋
荒烟拜紫宸龍髯遺淚續螺髻故名新桑海還遭否邦
家又遇屯憑城飛虐燄止水聚幽燐受命冠兼履捐軀
愴與巾八魂隨藻苻一廟集蘩蘋豈意虛楹桷非猶指
窳窳僧伽居舊舍鐘磬占蕭晨烈祖思如在雲孫痛久

湮釐清經幾載奔走是孤身太信堪支厦材真副析薪
臣咸依帝座杜宇訴王春風義羣興起綱常永率循忠
貞寧不祀報德有高爰土木樂幽幽受命命深深氣氣壯壯
荒荒隄隄鞏鞏紫紫氣氣肅肅聲聲震震烈烈聲聲效效谷谷穰穰穰穰豐豐穀穀香香穰穰
湖湖受受輸輸蘇蘇蕪蕪壘壘武武東東門門林林里里山山和和身身即即蘇蘇瑯瑯草草節節黃黃星星
章章貴貴承承夫夫命命行行翰翰筆筆兼兼計計博博史史千千惠惠赫赫臨臨餘餘明明風風重重關關
當當麻麻塞塞絕絕世世得得烈烈引引代代銷銷燧燧餘餘德德世世顯顯赫赫繼繼世世文文
千千存存天天此此全全主主外外東東輸輸營營固固氣氣烈烈如如吳吳城城望望劉劉辛辛買買良良
厥厥前前昔昔垂垂姦姦外外人人封封馭馭以以如如微微繼繼於於於於於於
焚焚關關王王燕燕論論心心燕燕
卓卓氏氏忠忠烈烈遺遺事事
卓卓氏氏忠忠烈烈遺遺事事

卓氏忠烈遺事 詩

海昌楊中訥 晚研

鬱鬱仙巖山浩浩永嘉水烈烈忠貞公稟靈事天子片
言搜燕謀三族殉國恥恨未提兵符坐看逆賊起從容
就牢豕慷慨赴都市九泉凝碧血萬禩留青史哀哉禿
髮奴睚眦構奇士巢傾卵盡覆遺孤天所啓寬典戍遼
陽繩繩續以似緯武且經文發跡還閭里扶桑即天涯
握節海外死魂兮何處招於彼亦於此公子與公孫佳
兒得佳婦 叶房闔室冒鋒鏑冰霜嚼不滓忠節萃一門
與國同起止我今客邗溝懷舊心無已邂逅公裔孫披
卷悉原委焚香盥手讀如獲親劍履碑銘既琅琅謚議

更灑灑陰風江上來古色生只紙

[Faint bleed-through text from the reverse side of the page, including characters like 更灑灑, 陰風, 江上來, 古色, 生只紙, etc.]

卓氏忠烈遺事

溧陽潘從律

雲岫

千年不朽事節行與文章攻文壽金石砥行皎冰霜廣
陵有卓子先世本錢塘高祖抗靖難忠績勒旂常錢母
矢貞烈誌乘流芬芳卓子乃其裔磊落殊清狂學書兼
學劍仗策詣從王時康歸印綬講古坐茅堂宗風推鄴
下陶謝資評揚著有遺民集搜羅徧散亾余從簡校暇
時與共徜徉相彼天矯姿孤鶴雲中翔吁嗟塵世人所
事皆蜚螭安得邗江上披豁慨以慷

事皆與... 亦在... 亦在... 亦在...

部與共... 亦在... 亦在... 亦在...

不謂... 亦在... 亦在... 亦在...

舉險... 亦在... 亦在... 亦在...

天貞... 亦在... 亦在... 亦在...

則... 亦在... 亦在... 亦在...

千... 亦在... 亦在... 亦在...

卓... 亦在... 亦在... 亦在...

卓氏忠烈遺事

南沙汪

釋東山

三百年來養士恩誰知節義萃高門孤臣有恨移燕計
九死何辭滅族冤共仰榮名光史冊獨留正氣付兒孫
遙憐冷雨鍾山夜黑虎風生亂石村

送對今雨餘山空黑風生樹石林

此我同鄉知我哀共此樂名我史冊

三百年來奇士恩斷於前建寧高門

南遊出 縣

卓氏忠烈遺事

卓氏忠烈遺事

詩

舊山鄧漢儀

孝威

君不見乙酉鉄碼摧揚州刀光閃爍鬼語啾
又不見盈少婦辭粧閣手搦絲鞭淚雙落
最是卓家粉黛多英雄不隨蔡琰去從戎
尤推宜人錢氏特剛烈榮辱二字早分別
邊鼓闐闐喧不止黑雲罩地城將圯宜人
手抱三歲兒奮身一躍池中死池中波浪咽
不流池邊哭聲四面起卓家男婦無老少
霎時奔赴清冷水直緣宜人為首倡稍遲
掠入軍營裏如此奇節世所稀應標青史
垂光輝我亦慷慨為摘句放歌江樓雪正飛

垂矢歎非亦之州感歸何效燭玉對雲五飛

燕首昏淋戮就人軍營裏收北音噴世祖赫顯青史

四面吹卓寒異敵無去少雲却奔怯雷令水直絲宜人

三煮只書得一驅出中丞出中效感即不流此數哭轉

早公地數燒開闢不立黑雲單此赫赫宜人手味

熱不謂蔡廷去外在大排宜人幾月卦開照榮烈二字

盛少敵精排問平淋絲辨成雙容景景卓寒餘熱之英

感不景了百槍懸掛掛州尺大閃數泉雷烟及不貝密

普山燈蕪謝

卓氏忠烈遺事

卓氏忠烈遺事 詩

徐昂發

牙獸尚可感毒龍誰敢觸嗟嗟卓侍郎死忠乃湛族當

其抗議時燕棣逆謀感惜哉小不忍遂使天位覆傷心

一綫胄遼海秋風哭忠臣固有後天怨久亦復一卷冰

雪文淒涼不可讀

聖文書影不可磨

一發曾哀斷然風哭忠臣固存於天怒人亦歎一發木
其時蕭蕭燕棘並霜製計若小不取遂於天位
天樽尚何意毒請痛知戰製良車昔源我忠以斯
卓氏忠烈遺事詩

卓氏忠烈遺事 詩

江都王 誥 楚士

卓子任篤天倫為我細述錢宜人節烈于今不可泯揮
毫作傳寄酸辛當年天地值改革閨中一身豈愛惜城
南城北戰血腥道旁死人相枕籍悲沙四起冷黃昏兵
焱何緣分玉石宜人大義正凜然徬徨却顧清池邊視
死如歸何節烈愧彼忍辱求生全同時赴死計八人卓
氏一門號遺賢吁嗟乎宜人生纔二十四見幾殉難誠
多智芳魂不識寄何鄉千載猶當重褒賜

冬時寒夜不寐有問職于誰當重來期

九一門無遺寶利數平宜人土壽二十四良與德華始

我取龍回前然對越感氣未止全圖澤法五信八八卓

蘇同聲公王不宜人火壽五稟然對越感氣未止全圖澤法五信八八卓

兩無北輝血題前安及人醉其辭志心四跋今黃香其

強計對聲前平當爭天此面如車四中一良豈愛辭如

早于升其天不辭為亦麻般越中人前怒于今不何知辭

早乃流然道事

卓氏忠烈遺事 詩

宿豫徐用錫

通經以致用所貴荒年穀往者金川禍揖讓拯回祿無
術九鼎移坐令十族哭磊磊卓侍郎汶汶先秉燭同燼
混頭焦失算輕突曲仁者宅鼎鑊初何與讒禿誰云能
造命厥後帝所錄十世見聞孫英聲撼五嶽重光列俎
豆眾芳聯卷軸顙顙丹篆文歷歷青史目提戈並揮翰
各不貽祖辱豈期鶴歸晚正值馬化促倉卒不周折冤
憤傾巢毒八口共一池碧血飛霜電又傳海東魂叫閻
使命復吁哉報國誠竟為傳家鵠公私議僉同忠貞果
世篤平生厭藻飾蕪辭絢高是豈比義門榮殞身卜百

福昨夜雷雨喧大地疑轉轂今朝風日好繁紅間新綠
天命有定歸人倫無反覆孝心揭忠肝陳迹煥膏沐吾
友許結鄰竊欲移家塾誓血派霖霖又對我東窗扣關
谷不報誰敢豈堪憐五曲詞外外舍卒不佩世寶
豆粟茂輝分輝醜醜長策文烈烈青史日異必並時
鼓命魂對帝祖維十世良開紅英靈越正襟重光既
聖龍煎夫其躡突由寸香字鼎與何與與與與與與
辭式鼎然坐令十世英靈與卓并腹衣衣衣衣衣衣
海靈以廷用取貴故平端故金以脈脈與與與與與與
前將余用題
卓力忠烈遺事

卓氏忠烈遺事

詩

古潤裴之仙

賡年

靖難鼓聲驚鄂鞞卓公赤手扶丹扈千秋廟貌埒方黃
百鍊丹心騎箕尾至人幼卽挺奇英寶香雪夜讀書生
事載湧幢力辭仙籠志何偉精忠大節早性成從來靈跡難
覩縷要惟忠孝垂千古騎虎雲深別體元化鶴魂歸戀
孱主名賢垂裕足詒謀鼎革閨闈節獨優鍾山嶽薛邗
流潔碧血香心天壤留

蕭蕭紫血香心天際留

氣主名賢垂極且請藉鼎革國圖時際對驗山好結狀

胸襟要壯忠萃垂千古無與雲新眼盡云分謝與細戀

再贈丹心德其風至人似唱珠音英爽香潔亦新書主

散英楚華滿得離卓公衣手并共氣千秋厥後世大黃

古開卷之命

卓凡忠烈遺事

卓氏忠烈遺事

詩

四明胡德邁 鹿亭

傳家忠烈炳丹青鍾阜蕪城碧血凝與國始終真不忝

千年遺恨痛長陵

斷簡殘編劫火餘表揚先德更誰如玉函寶冊消亡盡

龍種何人問秘書

請觀何人問然壽

滿前數歲時火輪未變夫歸更籍以王國寶冊書古

十平散

與宗忠烈兩氏青餘且無然探血誠與國故錄其不亦

卓氏忠烈遺事

卓氏忠烈遺事 詩

皖江任奕鑿 蘅臯

秋風鼓怒濤霜冷長千里正學儼如生日對鍾山紫誰
能與之儔巍巍卓夫子同時櫻禍患芳躅垂國史少羅
百氏書剛性不繞指曳履近星辰心憂王室燬徙薪謀
厥初廟堂盡充耳神器匪偶然周公慙挂齒不降就狂
狴三族慘橫死殺身真成仁爵謚永禋祀高祠虎踞關
文孫薦蘋芷遙揖木末亭千古雙峯峙餘及數百家忠
魂附褒美下逮南渡朝九州無堅壘維揚十萬戶瓦裂
烽烟裏先生家訓在閨闔肅如水七人不返顧含笑向
清泚嗚呼彥回輩節義輕敵疑岌岌方履虎危疑壯于

趾一朝天步艱顏波不可砥寥寥仰太清精靈終泰不
作歌告後嗣本根念葛藟蕭吹木十人不遊願合笑向
蘇州寒美不數南與博止此無望壘解勝十萬可天發
文紆蕪蕪立盡世木末亭千古雙峯妙綸如幾百家忠
掛三秋劍赫孤殊良真如寸傳歸禾甄甄高臨夷與關
烈味廟堂盡衣平輻器固即然風公悲封箇不判劫并
百刃書開掛不懸計史風波星灵心長玉室燭并薄
辨與文
殊風
卓凡忠烈

卓氏忠烈遺事

雲間周彝策銘

忠貞死難事堂堂騎虎英靈未渺茫故國無端移北極
孤臣遺恨在南昌讒夫巧譖知何意暴主憐才劇可傷
自是中原無淨土天留一縷到遼陽

續題絕句

鼎革時公裔孫煥城守維揚妻錢宜人抱三歲子赴池水死一時從死者

七人

門風節烈垂先世巾幗從容繼後塵邗水秦淮三百載
清波相望碧粼粼

青史琳瑯

門風尚庶垂於世中剛翁容繇於世本泰都三百外

小人

蘇服醉

人蘇三歲于步

自吳中烈無半士天爵一難既意圖

派引貴姓在南昌嘉夫

忠貞不讓事堂堂德氣英靈未

雲間周

蘇

卓氏忠烈遺事

卓氏忠烈遺事

詩

卓生手持赫蹠至為道傳家大文字斑斕官印明代書

髣髴軍繻漢時制我一展視心屢驚卓生忍淚還露纓

此是路引比符節驗經內地由邊城百感千憂對此集

事在文皇靖難日生之祖敬司農公大節巍名山峯嶺

是時燕邸龍欲飛公先抗疏當形闡削平擬定七國禍

翦滅尋消百戰圍寧知世運會屠殺血流金川戈劍戛

叔父旋登九五尊君王遂竄東南刹方黃齊練次第誅

三黨十族誠何辜後死者公烈彌甚斧鉞不避膏囹圄

所幸猶能保嬰孺編伍遠向遼陽戍山海崎嶇播越時

烟沙騷屑耕屯處書種不絕天屬公荷戈之士遊

行路難艱路有引出關入關如轉蓬公後寢昌公巨身
二百年來更褒贈同時易名七十人獨公忠貞出莽定
忠貞議定羣歡呼朝謚恰與私謚符傳家九世國亦變
路引猶存制誥無卽今片紙保勿替如生不愧忠貞裔
藏處疑露碧血香幘時直訝丹心揭況生且大忠貞門
區區路引安足論雞鳴山下關遺構螺髻菴中招烈魂
從來家國運難保今昔興衰感多少鐵券金書委作塵
芸檢芝函化爲草偉哉卓生誠巍峩路引成軸羅詩歌
正氣磅礴羣靈呵上如日月下江河忠貞不泯引不磨
金石鼎彝壽孰多
太保祠荒鏤翠微文孫修復闢禪扉雲霄不逐從龍去
風雨曾傳跨虎歸節并松筠標勁直靈依俎豆發光輝
丹心碧血何嘗滅回首榆川但夕暉江都梅閔琇

卓氏忠烈遺事

詩

江都張師孔

印宜

骨月紛爭自攻擊赤族諸臣緣遜國慷慨同歸有卓公
 一綫遺孤伏草澤事覺乃遣戍遼陽二百餘年始宣德
 是時中外制防嚴子姓流傳竟安宅出入驗勘由都司
 符牒標題皆萬曆運丁板蕩生亂階明祚潛移命將革
 漂泊遙從山海關艱難遂隸揚州籍大節崢嶸厥後昌
 亮哉取義今誰敵捐軀更有錢宜人奕葉貞魂紹前迹

卓氏忠烈遺事

詩

江都蕭

暘

徵父

鉄馬鳴戰鬼哭城中人凡上肉卓母閉門潛思已熟

解一

母非張巡有睢陽母非木蘭事戎行羞殺軍中少婦行

同青樓娼

解二

母也雞鳴上高堂但見老姑髮垂耳小姑

不視餐未能共作高飛黃鵠腸斷心酸

解三

母也日晏入

閒房但見夫子難脫走黃口不相離長跪謝夫子兒女

何足戀生死從此辭

解四

明日死刀下今日死池中一躍

八人連志士臨溝壑慷慨從容

解五

頽波力挽天地震動

衣冠翻覆婦人智勇

解六

人人數志士

容雅賦以

阿豕游土我外北轉四即日及下今日及中一

國與日只夫于鑿劍去黃口不味轉牙龍博大千只女

木論共并高飛黃豕凱福心類三母也日是人

母出猴即上高堂卧良步故疑皇在小小

國母非木蘭事女并慈妹軍中少識了

八上肉草母肉門密思已

